

Friehand-Tabelln un mehr

Haalt Se sik en nieges lerriges Dokment. Wi wüllt nu op anner Aart en Tabell maken – friehand warrt wi ehr teknen. Dorto haalt wi us toerst mal de Symboolliest **Tabelln un Rahmen** in't Bild. Mag ween, se is automaatsch bi Se opduukt. Denn is ja good. Wenn nich, giff't twee Weeg:




- Menü **Ansicht | Symbolleisten | Tabellen und Rahmen**.
- Orr: Op de Standard-Symboolliest einmal op den Knoop  klicken. Düsse Knoop knipst de Symboolliest **Tabelln un Rahmen** an un ut.

Woneem de Symboolliest vörtüüg kümmt, mööt Se sülvn sehn. Villicht backt se sik an en anner Symboolliest an. Denn köönt Se ehr afrieten – Se weet ja, wa dat geiht. In uns Biller hier is de Symboolliest **Tabelln un Rahmen** jedenfalls as frie sween Fenster wiest. De Bookstaven in den Text nern verwiest all op düt Bild.




De Symboolliest **Tabelln un Rahmen**

Nu köönt wi uns en Tabell malen un ehr hemmungslos tweispelen!

- Wenn Se de Symboolliest nieg bestellt hebbt, is foorts de Bliestift **A** aktiv. Dormit kunnen Se al losmalen. Wenn Se sik mit de Muus en Rahmen optreckt, maalt Word Se en Tabellnzelle. Man de krigt en dünne swatte Linie. Alternative: 
- Stellt Se sik mit de Listen **Linienart C**, **Linienstärke D** un **Rahmenfarbe E** en Linie tosamem, de denn an den Bliestift **A** haft – un mit em an de Muus. In uns Bild rechterhand is dat en Linie ut dicke rode Pünkt. 
- Nu köönt Se jümmers niege Linien in den Rahmen malen – dat giff't niege Zelln. So köönt Se echte Frie-hand-Tabelln teknen.
- Dorbi köönt Se ok den Linienstil ünnerwegens ännern – mit de Listen **Linienart C**, **Linienstärke D** un **Rahmenfarbe E**. Noch beter: Wenn en Linie al dor is, köönt Se ehr mit en annern Linienstil nateknen un dordör „anmalen“! Probeert Se't ut!
- Un wenn de Linie unsichtbor ween schall? Denn stellt Se sik bi **Linienart** den böversten Indrag **Kein Rand** in! 
- Dat **Radeergummi B** radeert Linien

ut – dat maakt ehr nich bloots unsichtbor, sünnern löscht ehr wirklich weg. Indem dat Se en Trennlinie wegradeert, köönt Se also twee Zellen to een tosamenleggen! Utprobeern. Se köönt de Trennlinie ja dorna wedder nieg trecken – mit den Bliestift.

- Mit dat Rahmen-Symbol **F**, dat Se al kennt, köönt Se in Nullkommanix de Rahmenlinien in en Zell wegformateeren. Orr Se köönt enkelte Rahmenlinien links, rechts etc. setten.
- Klickt Se in en Zell un füllt Se ehr mit den Klöörpott **G** mit en Klöör na Wunsch ut!



- Se köönt ok stückerwat markeerte Zellen toglied utfüllen, umrahmen usw. Stückerwat Zellen markeert Se, indem dat Se ehr mit de Muus överstriekt.
- Markeert Se stückerwat Zellen un vereenigt Se ehr to een – mit dat Symbol **H**! Richtig: jüst datsülvige deit dat **Radeergummi B**, wenn Se dormit op de Linien twüschen de Zellen klickt!
- Orr Se deelt en Zell in stückerwat Zellen op – mit Symbol **I**. Alternativ: Linien rinmalen mit den Bliestift!



- Dat **Utrichten**-Symbol **J** is enorm praktisch – dat regelt de waagrechte un lootrechte (!) Utrichten in de Tabellenzell op een Slag!
- Mehr Utrichten gefällig? Symbol **N** maakt dat möglich, Text lootrecht lopen to laten!
- Symbol **K** maakt alle Reegn glik hoch. Mehrst is dat denn den Hööcht vun de höchste Reeg, de alle Reegn kriegt. – Dordör wart de Friehand-Tabelln mehr liek to regelmäßige

Tabelln. Überlegt Se, wat Se dat bruukt!

- Symbol **L** maakt datsülvige mit Spalten.
- Dat **AutoFormat M** kann de Tabell ratzfatz en kumplettes nieges Kleeid antrecken – utprobeern!

To düt Kapittel schulln Se unbedingt ok de Tricks un Öven maken.